

精鈔
大字

隨

園

全

集

欽定四庫全書

卷一百一十五

詩經

卷一百一十五

戊午季校正精鈔

女弟子詩

文明書局藏版

上海文明
書局藏版

隨園女弟子詩選序

兄為少女而聖人繫之以朋友講習離為中女而聖人繫之文明以麗乎正萬章卷耳首冠三百篇女子之能詩宜也

聖朝文教昌明坤貞協吉名門大家皆沐二南之化隨園先生風雅所宗年登大耋行將重宴瓊林矣四方女士之聞其名者皆欽為漢之伏生夏侯勝一流故所到處皆斂衽極地以弟子禮見先生有教無類就其所呈篇什都為拔尤選勝而存之久乃哀然成集攜過蘇州交穀付梓穀辭曰先生此舉真盛德事第中有明珠意珠二人皆穀侍者年幼初學探鰈不敢與女公子及諸夫人並列先生笑曰當年齊桓晉文合諸侯時同盟者豈皆魯衛大邦竟無邾莒附庸執玉帛而來與會者耶子何所見之狹也穀不能辯遂就其原本以付梓人

嘉慶丙辰夏五月新安汪穀心農氏序

Handwritten text in the right margin, likely a page number or title, partially obscured by a dark mark.

隨園女弟子詩選目錄

卷一

席佩蘭

孫雲鳳

卷二

金逸

卷三

駱綺蘭

張玉珍

廖雲錦

孫雲鶴

卷四

陳長生

嚴蕊珠

錢琳

王玉如

陳淑蘭

王碧珠

朱意珠

鮑之蕙

卷五

王倩

張絢霄

畢智珠

盧元素

戴蘭英

屈秉筠

許德馨

卷六

歸懋儀

吳瓊仙

袁淑芳

王蕙卿

汪玉軫

鮑尊古

隨園女弟子詩選卷一

席佩蘭

字韻芬洞庭山人嫁常熟孫子瀟原湘孝廉
兩人人工詩為一時佳耦著有長真閣詩稿

刺繡

手擘香絨一縷輕。殷勤揀取衆芳名。紅顏大半霜前落。不繡芙蓉繡女貞。

月夜

高捲湘簾待月明。尋詩不覺到深更。一輪皎潔當空照。萬里無雲夜氣清。

柳絮

白似輕霜軟似綿。東風飄泊最堪憐。不如點入桃花水。化作浮萍轉得圓。

思親

十五年無一日離。那堪睽隔兩旬期。昨宵枕上思親淚。猶夢牽衣泣別時。

同外作

水沉添取博山溫。一院梨花深閉門。燕子不來風正靜。小樓人語月黃昏。

惜別

舍却韶光作遠遊。天涯何處覓封侯。忽忽柳絮催春老。默默桃花替客愁。曉夢正酣鶯轉谷。晚妝初罷燕歸樓。黃昏又恐姮娥笑。月到珠簾不上鉤。

聞鐘

坐擁寒衾思悄然。殘燈挑盡未成眠。紗窗月落花無影。只有鐘聲到枕邊。

送春

碧桃一樹絳雲飛。瘦却紅情綠轉肥。怪底東風無氣力。送春歸不送人歸。

寄衣曲

欲製寒衣下剪難。幾回冰淚灑霜紈。去時寬窄難憑准。夢裏尋君作樣看。

商婦曲

別來歲月似江深。江上孤帆是妾心。一片春光無處買。不知何用覓黃金。

望外逾期不歸

記得扁舟放槳遲。殷勤問取早歸時。忽看紅樹青山影。已負黃花白酒期。情重料非言惝怳。愁多莫是病支離。一緘手寄難憑准。豈是橋頭賣卜知。

喜外竟歸

曉窗幽夢忽然驚。破例今朝雀噪晴。指上正輪歸路日。耳邊已聽入門聲。縱憐面目風塵瘦。猶覩襟懷水月清。好向高堂勤慰問。敢先兒女說離情。

感燕巢於舊壘

瑟瑟社鼓打新晴。海燕來時繞屋鳴。明月梨花雙剪白。東風柳絮一身輕。為他珠箔先期捲。知我雕梁隔歲成。縱使朱門春似海。紅絲應重故人情。

登陸

脫却風波踏地平。穿將珠顆數郵程。明明馬鐸車前響。又認閨中鐵馬聲。

曲阜

杏壇教育至今長。禮讓雍容自一方。道氣尼山瞻藹藹。金聲泗水聽湯湯。冕旒貴且臨天子。巾幘卑難拜素王。他日歸家誇弟妹。也曾親到聖人鄉。

曉行觀日出

曉行亂山中。昏黑路難辨。默坐車垂簾。但覺霜刮面。冰上滑馬蹄。膽怯心驚戰。前駭絕壑奔。後慮危崖斷。合眼不敢開。開亦無所見。俄頃雲霧中。紅光綻一線。初如蜀錦張。漸如吳綃剪。倏如巨靈擘。復如女媧煉。綺殿結乍成。蜃樓高又變。五色若五味。調和成一片。如劍光益韜。如寶精欲斂。精光所聚處。金鏡從中現。破空若有聲。飛出還疑電。火輪絳宮轉。金柱天庭貫。陰氛豁然開。萬象成昭煥。

除夕

官閣沉沉更漏傳。思親此夕倍淒然。夢中白髮三千里。隙裏青春二十年。殘酒傾來都是淚。寒燈挑

盡不成眠。嬌兒宛轉頻相近。轉憶當時繞膝前。

夫子報罷歸詩以慰之

君不見杜陵野老詩中豪。謫仙才子聲價高。能為騷壇千古推巨手。不待制科一代名為標。夫子學詩杜與李。不雄即超無綺靡。高唱時時破碧雲。深情渺渺如春水。有時放筆悲憤聲。腕下疑有工部鬼。或逞揮毫逸興飛。太白至今猶未死。豐茲當彼理或然。不合天才有如此。今春束裝上長安。自言如芥拾青紫。飄然幾陣鯉魚風。歸來依舊青衫耳。囊中行卷錦繡堆。呼燈轉讀紗窗底。燕晉山河赴眼前。春秋風月藏詩裏。人間試官不敢收。讓與李杜為弟子。有唐重詩遺一公。況今不以詩取士。作君之詩。字君學。有才如此足傳矣。閨中雖無卓識存。頗知乞憐為可恥。功名最足累學業。當時則榮歿則已。君不見古來聖賢貧賤起。

南歸日題上黨郡署壁

一回首處一淒然。弱質曾經住兩年。呼婢留心揀妝盒。莫教人拾舊花鈿。
雨後棠梨片片殘。
飛來如露濕粘闌。一花一木尋常見。到得離時却耐看。

三橋春遊曲

態度天然。褰袖行。旁人着眼太分明。玉顏恰映桃花色。贏得紅潮兩頰生。
輕舟搖過復搖迴。偏見儂船費浪猜。通體一絲紅不着。料應知是上墳來。
荒祠半圯罷喧闐。滿屋花枝照眼明。

是彩明裙碧處更無人艤木蘭船

不是矜嚴不是莊梵王宮殿拜鸚王兒家自了燒香願一

晌拈花已夕陽

放漿如飛落日遲並船相見好花枝春遊學得新興髻明日梳頭更入時

楊花

凭欄一陣撲衣衿飛向天涯何處尋芳草池塘春寂寂梨花院落書陰陰迎風欲舞佳人態到處
為家蕩子心一任兒童閒捉取不堪雲鬢上頭簪

茉莉

好花多上美人頭曉鏡妝臺帶露收專夕獨應占此種人中小玉最風流

題梅棠冊子

細寫紅情入素縑妝成日日看何厭綠窗記得風如剪睡起釵橫為捲簾

織女歎

秋月已如雪秋風已如鐵孤燈耿寒機有女當窗織廢我一宵眠看絲乍盈尺廢我兩宵眠看絲
不成匹豈不畏龜手此心凜無逸昨日入城提解纜東隣嫁女耀豐妝綵幣百千束綺羅十二
箱龍章象服何煌煌平生不識蠶與桑歸來泣對機中錦知與誰人作嫁裳抽刀斷機不如寢又
聽絡緯啼金井

夜坐

銅壺幾點漏聲稀。寶鴨香生一縷微。閉却碧紗窗六扇。不教花影上人衣。

斷腸辭哭安兒也
名文桂

記兒生日祖遷官。錫汝嘉名曰璐安。今日蠻烟瘴雨外。一行書寄白頭看。兒生於上黨郡署太守公奇愛之今春公有從征巴

勒布之役 錦綢三日試蘭湯。嘖嘖爭看太守堂。玉印犀錢諸客賀。那知都作殮時裝。四月十

五月淒淒兒死重。蘇哭笑齊。早識今朝重訣絕。一番悔作兩番啼。兒生而病瘍周時瀕死者屢矣 六年奉

汝似曇華。喜即開顏怒不撓。博得牀頭臨別喚。一聲娘罷一聲命。阿爺謂汝太聰明。六歲葩

經誦已成。痛絕晨鐘初動後。枕邊猶聽背詩聲。青蓮詞句浣花篇。巧對分明惡識傳。頃刻花

飛雲亦散。乘槎何處覓張騫。兒工於屬對如有情憐宋玉無處覓張騫水如碧玉山如雲雲想衣裳花想容偶舉一聯應聲即答 筆牀硯匣鎮前

緣。終日隨身死。不捐。裁得雲箋如掌大。奇思早在蔚藍天。兒初讀書輒喜作詩語多不可曉日出云誰將烈火輪碾破蔚藍天十字

奴失銀盃婢覆羹。替人擔過受爺驚。而今事事皆逢怒。贏得全家哭失聲。兒愛於父僕婢有過羅為主人所呵輒語之兒

亦樂為人任咎歟後無不流涕者 一盞元霜絕命時。誰將劍柄授庸醫。黃泉莫恨庸醫誤。只恨爺娘誤殺兒。

十八日兒病少差進粥矣庸醫張秉燮投以石膏通夕遽殞 梅花香裏竟長眠。碧落茫茫望眼穿。揀個觀音生日死。若非

歸佛定生天。釋氏以二月十九為觀音誕 剪水雙瞳凍欲沉。雪膚還裏小紅衾。畫師縱有專神手。難畫聰

明一片心。一行魂帛寫冰紉。六歲嬌兒字阿安。生就成童材質異。忍將無服下殮看。禮七歲以

之殯哭之以日兒之警慧過於成人雖欲勿殤也可乎 並命駕禽舅與甥。九京偏有渭陽情。可堪兩眼枯如井。更聽孀

親哭子聲

兄歿之次日幼子祿兒亦死又三日余弟杏春死五日之間哭三殤焉

弟後兄先更可哀。一雙珠顆落泉臺。嬌啼望

汝扶持好。十日煎纔斷乳來。

時祿兒甫三齡

一盃良醖奠靈牀。滴向泉臺哭斷腸。誰是酒漿誰是淚。教

兒酸苦自家嘗。

乙酉三月三日葬阿安阿祿於報慈橋。余病卧支離。遙哭以送。自去年兒病至今。筆牀離手四百日矣。

一對瑤林瓊樹枝。百花生日命如絲。更堪綠水流觴日。恰是青山葬玉時。病骨不容親視客。傷心翻借哭為詩。雙魂望汝歸來早。依舊扶床未可知。

暮春

十樹花開九樹空。一番疎雨一番風。蜘蛛也解留春住。宛轉抽絲網落紅。

蟬聲

涼颼送孤響。不定是何枝。斷續成三弄。纏綿引一絲。小樓清夢覺。老樹夕陽遲。莫更看明鏡。先防鬢影衰。

潘妃

永夜宮中拜蔣神。白門一決竟逡巡。玉兒肯為東昏死。却勝還朝作徽人。

妃本王敬則家妓

夏夜示外

夜深夜薄露華凝。屢欲催眠恐未應。恰有天風解人意。窗前吹滅讀書燈。

上袁簡齋先生

慕公名字讀公詩。海內人人望見遲。青眼獨來幽閣裏。編衣無奈澣妝時。蓬門昨夜文星照。嘉客先期喜鵲知。願買杭州絲五色。絲絲親自繡袁絲。
深閨柔翰學塗鴉。重荷先生借齒牙。漫擬劉公知道蘊。直推徐淑勝秦嘉。解圍敢設青綾障。執轡遙褰絳帳紗。聲價自經椽筆寵。掃眉筆上也生花。
南極文昌應一身。幸瞻藜杖拜星辰。十年早定千秋業。片語能生四海春。詩格要煩裁偽體。畫圖何敢秘丰神。願公參透拈花旨。可是空王座下人。
時訪以拈花小影乞題

謝竹橋禮部為序長真閣詩

畫省清曾玉署賓。十年早乞養親身。湖山可少先生住。才力能扶大雅輪。課子恰應如栗里。辭官非敢忘楓宸。要他戀祿忘親輩。知道林間大有人。
桃李門牆早綠陰。春風噓拂到幽林。閨中也入憐才格。家食無忘報國心。一卷蠅吟投小草。六朝鴻製重兼金。天教繼起隨園老。持備詞壇兩賞音。

題薔薇便面

淺白深紅次第開。繡屏風上蝶飛回。勸君莫吸花心露。留待香閨盥手來。
以指甲贈外

摻摻指甲脫珊瑚。金剪脩圓露雪膚。付與檀奴收拾好。不須背養倩麻姑。

新年雪

寒衾戀殘夢。曉至失天明。不是雙鬟報。猶疑片月生。小窗深積素。孤石露餘清。莫訴南枝杏。年交臘未更。

春夜月

小鬟夜半推窗看。報道中庭積雪盈。曉起更無餘屑在。始知殘月昨宵明。

古鏡

一片春時月。清光萬古新。對君原是我。知爾閱多人。難使年華駐。翻嫌面目真。深藏如不露。何處着纖塵。

賣花聲

只隔紅牆角一灣。東風吹過又吹還。何人最解關心聽。偏是檀奴勝小鬟。

十四夜月

最高樓閣最瓏玲。齊出玻璃面面屏。十里青山波浸透。一城秋夢鶴呼醒。天無表裏皆澄澈。月在中間是性靈。萬事將圓未圓好。此情說與素娥聽。

十五夜月